

Z a
308





DESIDERIVM
QVOD MORTEM PRAEMATVRAM
PERILLVSTRIS ATQVE EXCELLEN
TISSIMI DOMINI
DOMINI
IO. AEGYDI

S. R. I. LIBERI BARONIS
AC BANERESI
AB ALEMANN

DYNASTAE SCHMIDEBERGAE
POTENTISS. POLONIARVM REGIS
AC SAX. PRINCIP. ELECTORIS A CON
SILIIS SANCTIORIBVS SVMMIQUE RERVM
METALLICARVM DIRECTORIS VI
CES GERENTIS

HEROIS DE REPVBICA ET
LITERIS IMMORTALITER
MERITI

APVD SE CONSECVTVM EST
QVA PAR EST PIETATE
ATQVE OBSERVANTIA
PERCENSET

ACADEMIA VITEMBERGENSIS

Flumina, diuiditis magni quae Saxonis oras,
Albi, pater, uos, Plissa, simul Sala, Mulda
et Elyster,

Quisse ac Nissa, uagas nunc fundite largius undas,
Horrisonos uestris ripis resonantia planctus.

Nam fuit, heu! ALEMANNIADES, atque occi-
dit ille

Illustris, quem nulla satis laudauerit aetas,
Cuius et altitonans signauit nomen in astris,
Ille ALEMANNIADES tam splendidus occi-
dit cheu!

Tristia Saxonicae nunc carmina fingite Musae,
Vos, quae cantatis, Philomelae, dulce rubetis
In solitis tristi numeroque ac gutture carmen,
Dicite Oreadibus, Panis periisse ministrum,
Scite qui cunctas pascendi nouerit arteis.

Tristia Saxonicae nunc carmina fingite Musae,
Albiacis in aquis renatantes, plangite cygni,
Misniacis nymphis referentes fata sinistra,
Queis obiit natus Vulcani, fusca metalla
Qui docuit multa arte suos effodere terris,
Subsidioque undae ac flauis de sordibus ignis
Depurgare, hominumque dedit studiosus in usus.

Tristia Saxonicae nunc carmina fingite Musae,
Luget et ipsa Themis misere, dolet alma Minerua,
Quaeque, quod in sacra non amplius aede sacerdos
Relligiosus agit, nec munera iusta ministrat.
Eusebie luget, quae praefide culta sub illo
Assidue, quaeque absque metu sua uera locuta est.
Pierides lugent, et luget praeses Apollo,
Omne decus doctae cecidit quod gentis honosque,
Illius ut fulcrum mors diro subruit ense.

Tristia Saxonicae nunc carmina fingite Musae,
Non tantum Actoridem charum sibi luxit Achilles,
Ut furibunda feri prostrauerat Hectoris hasta,
Tantum haud Dardanius fortem rex Hectora
luxit,

Iliacos circum muros cum traxit Achilles:
Quantum ALEMANNIADAE mortem Rex
Sarmata luget.

Tristia Saxonicae nunc carmina fingite Musae,
Abiicit ex luctu consueta metallicus arma,
Ac negat occultas pertristis adire fodinas,
Nulla per abruptos auditur machina montes,
Tempore iam longo fornax aeraria friget,
Nec noua semestri spatio conspecta moneta est.

La 308 Th R

Tristia Saxonicae nunc carmina fingite Musae,
Nunc furere omne nefas, nunc tollere cornua gestit
Barbaries alte, nunc tendere brachia longe
Vana superstitio, nunc cunctos ducere retro
In sua regna breui, speque haud fallente, minatur.
Iunior e teneris manibus nunc abiicit aetas,
Helladis et Latii quae docta uolumina nobis
Flos dedit, et nostri sapit ex scriptoribus aevi.

Tristia Saxonicae nunc carmina fingite Musae,
Haec, quis erit, scite qui damna refarciat arte?
Haec, quis erit, nostrae repararet qui commoda
genti?

Certe ALEMANNIADAE similis uirtute, labore,
Ingenio, doctrina, dexteritate, fideque.

Tristia Saxonicae nunc carmina fingite Musae,
Diue, Tua nobis opera post Te que carendum est,
Prospera sed decreta etiam post fata manebunt
Saxoniae, hinc toto passim celebrabitur orbe
Gloria, tot meritis tanto ac conamine parta.

Tristia Leucorides cecinere haec carmina Mu-
sae,

Tristia porro canent memores grataeque futurae
Pro meritis, quae in se cumulauit gratia Diui

VITEMBERGAE LITERIS CHRIST. SCHROEDERI ACAD. TYP
A. O. R. c1o1o CC XX

no



Pau Za 308, Hk

ULB Halle
004 394 720

3



Sb





DESIDERIVM
QVOD MORTEM PRAEMATVRAM

TRIS ATQVE EXCELLEN
TISSIMI DOMINI

DOMINI
AEGYDI

LIBERI BARONIS
C BANERESI

LEMANN

E SCHMIDEBERGAE

POLONIARVM REGIS
CIP ELECTORIS A CON

ORIBVS SVMMIQVE RERVM
CARVM DIRECTORIS VI
ES GERENTIS

DE REPUBLICA ET
S IMMORTALITER
MERITI

E CONSECVTVM EST

R EST PIETATE

E OBSERVANTIA
PERCENSET

ACADEMIA VITEMBERGENSIS

